

❖ ՔՈՒՉԱԿԵԱՆ ՏԱՂԵՐ ❖

Ա. ԽՈՒՄԲ

(Շար.)

Այս առաւօտու լուսոյն դայր ջրրին ձանիկն ու ձագուն.
Այն իմ պէ օֆայ եարին, ձայն անուշ էր քան զամենուն:
Բարակ սիրու տէր մարդիկ 1), ինքն ու իր եարն մէն ի քուն.
Պազ 2) տան ու պազ 2) առնուն, պազ 2) պահեն մէկալ գիշերուն:

* * *

Մահալօքդ ի վար կու գի, լօք տեսայ չոր պանգ 3) մի ձրգած.
Ոտօքս ալ թաւալ տըւի, նա յերեսս ի վեր ծիծաղաց.
Ես ալ գէմ մանուկ էի ի մանկանց 4) ի մէջըն կանգնած,
Ես այլ եմ գերի գընած, ի ներքեւ հողին զընտանած.
Զկղպակն 5) ի վերայ զարկած, զրալիքն յայլ երկիր տարած:

* * *

Գիշերս ես ի քուն էի, քունս ի ներս սըրտիկս երեցաւ.
Եկին ու խապար բերին, քո սիրած 6) եարն ըզքեզ մոռացաւ:
Մանկտիք ձեր արեւն ասեմ՝ լըսեցի, լեզուս կապեցաւ.
Շուտով գեղ ու ճար արէք, որ չասեն թէ անկի մեռաւ:

* * *

Նրման ես դու յայն ոսկոյն, որ Մըսրայ տէրըն կու պահէ.
Քո ձայնդ ի յերկիր ելեր, զքո զիմայթըն մարդ չգիտէ,
Զքո զըմաթն այլ ես գիտեմ, որ ճիկեարս ի փորս եփեր է.
Սըրտիկս է աղեղ նրման, գիրկըդ լար է ապիրչումէ:

* * *

Յո՞ւր էիր, յուսկի եկիր անծանօթ ու զիս սիրեցիր.
Զկրակն ի թեզնիքդ ունէիր, լուք ի ծոցդ ի վայր վաթեցիր.
Զծոցիկտ այլ քուրայ արիր, լուք զոսկին ի ներս հալեցիր.
Զոսկին այլ հալղայ արիր՝ ու իմ սըրտին աղանջն անցուցիր:

1) Մարդիք: 2) Պաք: 3) Գազ: 4) Մանկաց: 5) Զկղպաքն:
6) Սիրածն:

* * *

Յերէկ չէ այսօր տեսայ խընձորի տալիկ մի հուսայ.
Թ'ապրիմ աւերբուս 1) մընայ, թէ հանեմ չուտով չորանայ.
Ջուր Յորդանանու բերեմ ու ջրբեմ որ արմատանայ.
Ի շրջին հանգչիմ ես այլ 'ւ ի պըտղուն վայելեմ նորա:

* * *

Գիտեմ պարծեցար 'ւ ասիր, թէ ճերմակ ծոցըս քի ծառայ.
Յետոյ փոշիման կերար, զխրատ ո՞վ երես մէկ ասա:
Ինձի այն մուհալ կու գայ, քոյ ծոցուտ այլ մարդ տիրանայ.
Պագնէ զիմ պագած տեղիկն ու զընէ զերեսն ի վերայ:

* * *

Գիշերս ես ի դուրս ելայ թէ զիմ եարն գտնում խմելու.
Գըրօղն այլ ի գէմս ելաւ թէ զհոգեկտ ունիմ տանելու.
Գըրող 'ւ անհաւատ գըրող, ես մանուկ եմ չեմ տանելու.
Եկ որ քեզի մարդ ցցնում տանելու՝ շրջին զարնելու:
Ձայախն ի յարին ունի, ո՛չ խըմէ, ոչ տայ խմելու.
Ձաղուորն ի գըրկին ունի, ո՛չ գըրկէ, ոչ տայ գըրկելու:

* * *

Ինչ անեմ կամ ինչ լինամ, կամ թէ ինչ ունիմ կատարած.
Հա՛յ վախ, զիմ սիրած մանչն զէտ կատղած չունն զիս իխած.
Կանգուն մի գանակ ունէր անողորմըն, նա՛ զիս իզարկ.
Ոչ ինքն յԱստուծոյ վախաց, ոչ յիշեց օր մի աղուհաց:

* * *

Այս ծովանական գիշերս ես երկու շրջան մանեցի.
Խօշ եարս ալ ի միտս անկաւ, չուտ մ'ելայ ջահըրս վերուցի.
Փարչիկ մը գինի առի, յիմ եարին դուռն գընացի.
Խօշ եա՛ր, չուտ ըզդուռն բաց 3), ձուն եկեր, ոտիս կու մըսի:

(Շարունակելի)

Հրատ. Հ. ՆԵՐՍԷՍ ԱԿԻՆԵԱՆ



1) Օերուս: 2) Լինալ: 3) Ըզդուռն ի բաց: